



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

24. Respondeatur ad argumenta contraria adducta à Melchiore Cano. Ex
part. 11. tractat. addit. 2. res. etiam 24.

[urn:nbn:de:hbz:466:1-76442](https://nbn-resolving.de/urn:nbn:de:hbz:466:1-76442)

Rom. Pontif. extra Concil. Ref. XXIV. 365

in manuscriptis; & probatur primò ratione generali, quia semper presumendum est pro capite, quando non appetat manifestus error: cùm ergo constet ex secunda conclusione, Papam non posse errare in approbatione alicuius Religionis, statuando aliquid contrarium iuri naturali, aut diuino, consequens est, quod neque posse dici ipsum errare quantum ad hoc, quod est approbare, quod hic, & nunc est disconueniens.

11. Secundò specialiter probatur de Romano Pontifice, quia habet assisteriam Spiritus Sancti in his, quae pertinent ad regimen, vniuersalis Ecclesiae, sed approbatio Religionum etiam quantum ad circumstantias, & quantum ad modum pertinet ad regimen vniuersalis Ecclesiae. Ergo, &c.

12. Vnde ex his sequitur neque dici debere Romanum Pontificem errare in approbatione Religionum, quantum ad multitudinem. Sic teneo contra Bañez, vbi Montesinos *vbi supra* dicit, quod audacter nimis id affirmatur, & probat argumento, quo vitur Bañez pro sua sententia, quia si Romani Pontifices *supra* relati decreuerunt, deinceps nullam fundari Religionem sine autoritate Sedis Apostolicae, quoniam erant tunc temporis multi Religiosi, taliter quod multitudine pareret confusione: Ergo dicendum est, quod Papa approbante non possit esse hoc inconveniens in Ecclesiae, ut sint tam multæ Religiones approbar, quod multitudine parat confusione. Vnde non est timendum, quod Papa in approbadis Religionibus imprudenter se gerat, sicut neque in condendis legibus, quae ad vniuersalem pertinent Ecclesiam.

13. Nota tamen, quod licet opinio Bañez, Sylvi, & aliorum sit satis probabilis, verum tamen ipsi met existimant non posse dici de facto, vel errasse Pontificem imprudenter aliquam Religionem approbando, vel aliquam eorum, quae per ipsum approbat sunt, esse inutilem absque magna temeritate, cum temeratum sit de eo, quod Pontifex palam probat, diversum ferre iudicium, cumque Pastoris præfertim Summisentientia suspicienda sit, non sinistre interpretanda.

RESOL. XXIV.

Respondetur ad argumenta contraria adducta à Melchiori Cano. Ex part. 11. tr. addit. 2. Ref. etiam 24.

§. 1. **F**atcor Melchiorem Canum ex inclito Ordine Dominicano fuisse virum sapientissimum, & acutissimi ingenii, sed circa præsentem difficultatem metit ab omnibus Theologis recitatur, vnde aduersus illum Arriaga in *cursu theol.* 10. 5. diff. 9. sect. 6. n. 36, sic ait: Vehementer mitor, Canum admisso in approbando Ordinem Religiosum, errorem cedere posse in Pontificem, per quod sanè, & sua propriae Religioni vchenementer nocuit; si enim inde potuit ipse aliis dubitare, an Pontifex errasset in Sancti Francisci Ordinis, v.g. approbatione, potuisse eodem modo, & alii dubitare, an non in confirmatione Ordinis Sancti Dominici erratum fuisse. Non ergo debeamus illo modo talcm veritatem in dubium vertere, Ita illi.

2. Vnde ad argumenta Cani *sup.* adducta respondent Castillo, Sylvius, & alij *vbi sup.* Dico igitur cum ipsis ad primum ex auctoritate Innoc. III. non haberis, quod ipse aduerterit nimiam Religionem ab Ecclesia, seu ab eius capite approbatum multitudinem Ecclesie incommodare, quia prohibet quidem, ne quis de cetero nouam Religionem inueniat, idque ne nimia Religionum diversitas gravem in Ecclesiam Dei

Tom. I X.

confusionem inducat; sed ista prohibitio sic intelligi debet, vt nullus inueniat nouam Religionem, quam sine approbatione Pontificis iudicat, & executioni mandet: Alioquin contra istam prohibitio nem fecissent Sancti, Franciscus de Paula, Ignatius de Loiola, & alij, qui post Innocentij III. tempora nouas Religiones à Sede Apostolica probatas, & confirmatas induxerunt, id, quod nemo orthodoxus dicere audebit.

3. Ad secundum respondetur, Gregorium manifeste loqui de multiplicatione Religionum à Sede Apostolica non probatarum, quando dicit, quod importuna petentium iniatio Religionum multiplicationem extortis.

4. Quod autem attinet ad id quod sumitur quoddam Ordines etiam per Sedem Apostolicam probatos, fuisse postea abolitos; seu extintos: Respondetur id traditæ doctrina nihil penitus obstat. Successus enim temporis, vel ob malitiam inhabitantium, vel propter circumstantiam temporum, vel propter aliquid huiusmodi, contingit, quod Religiones, quæ ab intio erant Ecclesiae viles, fiant inutiles, ideoque mercantur extingui. Et propterea quando in simili casu successor Pontifex extinguit Ordinem à Prædecessore probatum, non arguit illum prædecessorem errasse; sed tantum varietas esse circumstantias, ob quod id, quod ante prudenter fuit approbatum, postea etiam prudenter abeleatur.

5. Et ex his responsio ad tertium haberi potest. Quibus tamen addendum videtur non liquere, quod Celestinus V. approbauerit Ordinem, & statum Fraticellorum. Prætendebant quidem ipsi se ab eo priuilegium, & approbationem habere, sed prætentebant solum, non autem probabant. Bonifacius autem III. ei succedens ex certis, & rationabilibus eausis omnia à Celestino concessa, quæ per ipsum Bonifacium non contingenter approbari, viribus penitus vacuauit: istud autem priuilegium non inveniatur per Bonifacium approbatum, vt dicitur *Extranag.* Io. 12. iii. 7. Et hinc est, quod Ioannes statum illum non aduocaret, præsertim cum deprehenderet ipsos habere errores, quos Cœlestino Pontifikatum regente occultauerant. Error autem personarum non facit statum, in quo versantur esse malum, & si merito possit esse causa statum alioquin ex se bonum extingendi.

6. Itaque ad ea, quæ dicit Canus respondentium est nos non negare Religionem approbatam ab uno Romano Pontifice posse extingui auctoritate alterius, in modo & eiusdem pro diversis temporibus; nam quod hic, & nunc prudenter iudicatur conueniens pro alio tempore, potest etiam prudenter iudicari disconueniens, ex quo capite oritur mutatio legum quæ sunt de iure positivo: quod iudicium diversum potest oriiri ex incuria, aut malitia Religiosorum Religionis alias approbata, aut ex eo, quod aliquid agant, vel tollant Religiosi de sua regula, ratione cuius redantur leges minus viles, aut forte contraria ad observationem status perfectionis, vel denique ex nimiate peccatorum ipsorum Religiosorum.

7. Vnde ex his non pugnat, quo minus aliquæ Religiones, alioqui, & ex se, & pro eo etiam tempore, quo approbata fuerant, Ecclesiae viles, successu temporis, vel ob malitiam inhabitantium in ea, vel propter circumstantias temporum, & statum Ecclesiae mutantur, inutiles fieri, ac proinde etiam abrogari possint, quod enim legibus, id etiam Religionibus quoad hoc accidere potest, vt omnes fatentur: Idque solum probant exempla, quæ Canus loco citato assert, quamvis forte non omnia sufficienti auctoritate, ac fide nitantur.

Hh 3 RESOL.